

佛本行集經卷第五十八

藉

隋天竺三藏法師闍那竭多譯

婆提唎迦等品中

尔時長老優波離波多作是思惟世尊今者  
既不聽許彼人出家我若輒尔放出家者是  
我不善如是念已尋即告彼提婆達多作如

緣堅

是言如世尊教汝必應當作如是事

提婆達多如是次第處處至於大德上座諸  
比丘所而諸大德上座比丘亦皆語彼提婆  
達多作如是言世尊既有如此之語汝必應  
當作如是事

尔時提婆達多所至之處皆不許已還乘白

象向迦毗羅婆蘇都城還於家內

於時阿難釋種童子初見五百釋童子等悉  
得出家便作是念我於今日亦須捨家至於  
佛邊而求出家如是念已至父母邊而白言  
曰我今意欲捨家往至佛邊出家唯願放我  
而出家耳

尔時阿難所生之母本於佛邊無有淨心所  
以者何世尊在家為菩薩時其阿難母既見  
菩薩功德巍巍威力顯赫遂於菩薩生其染  
心說於種種邪異之言

尔時菩薩但以彼親是其姨母於此言說嘿  
然無答以是因緣故於菩薩無有淨心無淨  
心故恒常不放已子阿難捨家出家

尔時提婆達多聞他人說阿難意欲捨家出  
家然其父母不聽出家提婆達多詣阿難所  
問言阿難汝心實欲捨家出家父母頗曾不  
聽以不阿難報言提婆達多實如所語今者  
不知作何事業令得父母放我出家得成比  
丘受具足戒

尔時釋子提婆達多謂阿難言汝後若知父  
母許汝捨家出家必語我知我當共汝俱時  
出家阿難尋報提婆達多作如是言如汝所  
論我不違也

尔時阿難作如是念我之父母決不聽我捨

家出家作是念已即在其家取五百故波利沙般私往至於毗提耶國而彼聚落有一長者是其父王舊日知識將此五百波利沙般以相付囑而語之言今以此錢付囑於汝為我食直我若須食而來此者必將此錢為我買食當至之時汝亦不須問我來所但我到

雜五十八

此汝必當知須食故來作是語已至於空閑阿蘭若處受無語戒行住坐卧嘿然不言須食之時嘿然來至寄錢之家寂靜而坐嘿受飲食食訖還復嘿然而去時彼聚落所居諸人數見阿難釋種童子嘿然行住去來坐卧見已問言仁者是誰尔時阿難亦不言語以

報彼人還復如本嘿然而去

時彼人輩各相謂言此之仙人應是毗提耶國而出作是語已為其立名稱為毗提耶國仙人

尔時阿難父母聞人說如此語阿難從此逃遁往至毗提耶國城邑聚落受不言戒行仙

人行而得成仙聞已即遣使人往至謂言子汝若決定不住家者但來向此於我釋種童子之邊而出家耳

尔時阿難遂即還來往語釋種提婆達多作如是言提婆達多汝今當知我之父母今已放我而出家也

提婆達多復問阿難汝今意欲誰邊出家阿難報言我今意欲佛邊出家提婆達多復言我昔已至佛邊而求出家為佛不許我出家也阿難復言當至聖者舍利弗邊求請出家提婆達多復作是言彼人亦不與我出家如是乃至摩訶目捷連摩訶迦葉大迦旃延優

雜五十八

三

樓頻螺迦葉那提迦葉伽耶迦葉優波斯那摩訶俱絺羅摩訶專陀優波離波多有如是等大德上座諸比丘輩悉皆不許聽我出家阿難復問提婆達多作如是言提婆達多如汝意者欲何處去提婆達多報言阿難我所去處不令人識阿難復言我亦隨從提婆達

多如是意趣

尔時多有大威勢力釋種童子家別一人佛邊出家時迦毗羅婆蘇都城有二兄弟小者名曰摩尼婁陀舊作阿尼婁陀大者名曰摩訶那摩摩尼婁陀久種善根修解脫哉而向涅槃背於煩惱不欲生於一切有中欲於此世在三

界內當取漏盡已曾積集大功德聚故生於彼釋種家內自生彼家其家生業漸漸增長所謂錢財諸穀麥等真珠琉璃珊瑚琥珀諸璧王等及以金銀二足四足皆悉備有地下復有五百伏藏自然顯現其在卧床眠息睡時乃有諸天將五百種無價珍寶置於床上其人眷屬見如此等希有之事共相議言此之童子睡眠之時諸天乃將無價寶物以覆其上是故我等須立名為摩尼婁陀然彼童子可喜端正觀者無厭身體黃白猶如金色其頭形狀似如繖蓋鼻隆高滿如鸚鵡紫兩臂臍亭下垂過膝身體縱廣上下齊

等諸根具足無所缺減然其父母為置四種阿姊看視所謂抱者又洗浴者飲飼乳者伴遊我者其四姊母養育瞻視漸至長大智慧成就復見行步東西馳走及至堪事教授家業種種技藝所謂書筭造印音樂歌舞戲笑嘲謔滑稽趨避妖冶造摩尼寶漆衣裁衣和

合諸香彩畫花葉及諸形像圍碁六博擲菹等戲造作文章象伎馬伎及以車伎弓射之術俯仰容儀捕力出壯按摩等伎跳踉賭走調象擲罇修治園圃行來入出知解吉凶細行竊密破餘軍陣自把其拳他擘不得踣地正立人推不動理髮梳頭操刀斫斷鑽穿等

善

卷五十八

四

事劈裂木石射准不差乃至毛髮射人肢節放箭尋聲牽弓挽彊如是諸伎悉皆明達成就具足無不解者意智深遠精神迅疾心慮巧妙點慧聰明

然彼童子至於一時隨從其父檢校田作及以生業既至彼處腹中渴乏其以渴故往至

水邊掬水欲飲其水變成天漿美味尔時其父遮不聽飲唱言子子莫飲此水或恐令汝身體不安

尔時童子摩尼婁陀嘗此水已而白父言尊者此水甚大甘美其父不信時彼童子以手掬水即奉其父口作是言爺若不信願嘗此水其父於是嘗此水已報言子子我雖生在王宮之內未曾得此妙甘美水作是語已心生喜悅為未曾有而自口言希有我子大有福業從生已來所作飲食色香味具倍勝他許尔時彼兄摩訶那摩若見若嘗彼之飲食即生妬心而口說言何故如是香潔美食唯與小弟而不與我

尔時其母知有此語告言子子汝知不平從來為此摩尼婁陀所造飲食恒常十倍勝他人許摩訶那摩猶故不信又於一時摩尼婁陀遊戲園林在彼園內往遣使人從母索食而告使言往我母所令送

籍

集卷八

五

食來於時彼母以盤置食將把覆蓋先示大子摩訶那摩然後遣使往送彼食將至摩尼婁陀之所摩尼婁陀亦看此食其食色香倍即加勝亦於諸器悉皆盈滿雖復如此摩訶那摩猶故不信而口說言雖知家內所將好惡誰知不於諸眷屬家備辦送去

又至一時摩尼婁陀復在園林觀看遊戲又遣使人啓白母言願遣使人送食來此其母尔時取諸空器安著盤上以巾覆蓋先示大兒摩訶那摩然後始送復告之言汝自隨看應知虛實摩訶那摩聞此語已即隨盤去往至摩尼婁陀之邊彼既見已一切諸食色香美味皆悉充滿

尔時釋子摩訶那摩見是事已心生喜悅口言希有未曾見也我弟如是有大福德摩尼婁陀漸至長大年盛壯已於是父母為作三堂一擬冬坐二擬春秋三擬夏坐擬冬坐者唯備暄煖擬夏坐者唯備清涼擬春秋

者唯備和適其所居堂無別男子唯擬一人受五慾樂具足自恣隨意居止

尔時童子摩訶那摩作如是念今於釋種諸童子中有大勢者悉各家別一人出家我今家內無出家者唯我應當捨家出家若不尔者須遣我弟摩尼婁陀而出家也摩訶那摩作是念已便即詣向摩尼婁陀釋童子邊到已告言摩尼婁陀我等釋種有勢力者悉各家別一人出家我等家內無出家者我今思惟或汝出家或我出家

尔時釋種摩尼婁陀啓白其兄摩訶那摩釋童子言摩訶那摩汝自出家我不能去摩訶那摩復告彼言摩尼婁陀若如此者我今囑汝家業之事凡生活法先犁其地然後磨治次復除其瓦石株棘方下種子下種子已若無天雨依時澆灌依法鋤治然後待熟收刈料理貯入倉窖作如是已於至來年還復如此次第造作乃至年年不得休息

集五十八

六

尔時童子摩尼婁陀啓白其兄摩訶那摩釋童子言若如此者我家作業不得窮盡亦無盡時如此作業既無盡日何時當得於此三堂受五慾樂

尔時童子摩訶那摩復語其弟摩尼婁陀作如是言摩尼婁陀作業之事理不可盡亦無盡日我等父母悵惜祖宗造作事業亦復如此未見盡時而命終也

尔時童子摩尼婁陀復語其兄摩訶那摩作如是言若知作業不可窮盡不知盡時我之父母亦復悵惜祖宗作業未知盡時而取命終如是不虛我今思惟摩訶那摩應須在家管理家業我欲捨家出家修道

尔時童子摩尼婁陀詣父母邊白言爺孃我欲捨家於如來邊求請出家願垂許我於如來邊而出家也

尔時父母告彼小兒摩尼婁陀當知我等唯有二子於汝二子大生憐愛不離心首若暫

不見心懷憂惱假使我死猶望共汝不相離  
別况復我今生平存在聽許於汝而出家也  
如是再請乃至三請云我欲於如來法中捨  
家出家願垂父母聽許我也

往昔菩薩從家出家修梵行時輸頭檀王為  
菩薩故憂惱所逼聚集釋種諸眷屬等而告  
釋集五十八

之言諸眷屬輩汝等須知我子悉達既出家  
已我亦不欲處其王位亦復不用戴此天冠  
汝等誰能受王位者我當委付并即灌頂授  
與天冠

尔時眾內有釋童子其人名曰婆提唎迦其  
母名曰黑瞿多彌而白王言我能受此王位  
及冠

尔時輸頭檀王及諸釋種一切眷屬即將王  
位及以天冠付與釋童婆提唎迦而灌頂之  
從尔已後婆提唎迦釋種童子即作釋王其  
諸眷屬號為釋王婆提唎迦然彼釋王婆提  
唎迦受王位後經十二年如法治化而彼釋

種諸眷屬等本有要誓若有誰得首戴天冠  
而為王者彼人當為一切釋種諸眷屬等造  
作百味餽饌飲食

其王舊日與彼釋種摩尼婁陀少小拊摩共  
為伴侶設會之時口勅喚彼摩尼婁陀作如  
是言摩尼婁陀汝佐助我先當供給諸眷屬  
訖然後我當與汝共食摩尼婁陀答白釋王  
婆提唎迦作如是言如王令勅不敢違也時  
彼二人共設釋種諸眷屬已然後共食食已  
即留摩尼婁陀在宮止宿

尔時釋王婆提唎迦過彼夜已天欲曉時身  
自問彼摩尼婁陀作如是言摩尼婁陀安眠  
以不摩尼婁陀而報王言我於夜眠不得安  
隱王復問言何故尔也

摩尼婁陀復報王言我夜腹痛又患寒熱王  
復問言何故然也  
摩尼婁陀復報王言於彼飲食味不調適是  
故當時我患腹痛其所卧褥當織之時其彼

織師身患寒熱是故我亦著寒熱病於時釋  
王婆提唎迦喚造食人而問之言汝當造作  
百味食時其食諸味為有增減為調適也其  
造食人而報王言如是大王其味稍多其味  
如少我於尔時作事蒼忙不得加意事事檢  
校我佐助人不解用心悉捉和雜

釋

集五十八

八

尔時釋王婆提唎迦復喚織師而問之言汝  
當為我織被褥時何故不精

織師報言如是大王我當織時著寒熱病大  
王復遣使人催促我於尔時寒熱未瘥畏王  
瞋故急織而送是故我織不及精妙尔時釋  
王婆提唎迦生希有心未曾有心如此之事  
不可思議又作是念希有希有摩尼婁陀乃  
有如此勝妙智慧

尔時釋王婆提唎迦告釋童子摩尼婁陀作  
如是言摩尼婁陀從今日後汝於我邊有所  
須者汝莫自來但遣使至我不相負  
尔時釋童摩尼婁陀其母念言今此釋王既

與我子少小拊塵同志善友其人決定不應  
出家作是念已即喚已子摩尼婁陀作如是  
言摩尼婁陀若彼釋王婆提唎迦捨家出家  
汝於尔時當出家也

尔時釋童摩尼婁陀聞是語已詣向釋王婆  
提唎迦所於時釋王婆提唎迦從宮而出在  
那吒迦

隋云以歌  
說古事

喜樂之會觀看而坐

尔時釋童摩尼婁陀作如是念我今若入婆  
提唎迦釋王之會必當妨他觀看遊戲作是  
念已便坐門頰待那吒迦喜樂會訖然後欲  
入尔時釋王婆提唎迦觀看此會正喜樂時  
會中有一音聲婦女手彈箜篌當尔箜篌有

集五十八

九

一絃斷其彼婦女尋即還續而那吒迦喜樂  
會中無人覺者唯有釋王婆提唎迦一人獨  
知摩尼婁陀在於門頰亦知此事

尔時釋童摩尼婁陀見那吒迦喜會欲訖方  
始往詣婆提唎迦釋王之所到已將手抱釋  
王項然後却坐在於一面

尔時釋王婆提唎迦告釋童子摩尼婁陀作如是言摩尼婁陀我於已前可不告汝若有所須身莫自來但遣使索我不相負今日何容身獨自至摩尼婁陀而報王言婆提唎迦此事如是不可遣人能辦斯事

尔時釋王復問釋童摩尼婁陀作如是言摩尼婁陀所言辦者事云何也為當由汝為當由我摩尼婁陀復報王言此事由我亦關於王婆提唎迦復作是言若關於我汝應即辦摩尼婁陀復白王言大王當知我意將欲捨家出家如此之事必關於汝婆提唎迦報釋童子摩尼婁陀作如是言摩尼婁陀汝今若

欲捨家出家必關我者我當放汝汝於我邊勿生疑慮若欲出家隨汝意樂

尔時釋童摩尼婁陀啓白釋王婆提唎迦作如是言汝今當須共我出家何以故我之父母先語我言摩尼婁陀若彼釋王婆提唎迦捨家出家汝亦隨彼而出家去時彼釋童摩

尼婁陀復見釋王婆提唎迦在於大衆作是實語摩尼婁陀汝今若欲捨家出家既關我者我不相違任隨汝去當於彼時諸釋種等復皆實語是故請王同共出家

尔時釋王婆提唎迦告彼釋童摩尼婁陀作如是言若必然者且住七年我之家業事得了辦辦已然後當得共汝捨家出家

尔時釋童摩尼婁陀復白釋王婆提唎迦作如是言婆提唎迦莫作是語我今不能待至七歲所以然者婆提唎迦七歲久遠誰知我等其間或有出家障礙婆提唎迦復語釋童摩尼婁陀作如是言摩尼婁陀汝且待我六

集五十八

年之內備辦家事然後共汝捨家出家摩尼婁陀復白王言婆提唎迦汝於今者莫作是語我亦不能待至六年所以者何六年久遠誰知我等中間儻有出家障礙婆提唎迦復語釋童摩尼婁陀作如是言摩尼婁陀若必然者且聽待我於五年內備辦家業乃至四



年三年二年摩尼婁陀皆悉不肯時王復言若必然者且待我於一年之內辦諸家業然後乃當共汝出家摩尼婁陀猶白王言婆提唎迦我不能待乃至一年所以者何一年尚久誰知我等儻有障礙

尔時釋王婆提唎迦復告釋童摩尼婁陀作如是言摩尼婁陀若必然者且當待我於六月內辦諸家業乃至三月二月一月摩尼婁陀悉皆不肯

尔時釋王婆提唎迦復告釋童摩尼婁陀作如是言摩尼婁陀若必然者且聽待我七日夜辦諸家事然後共汝捨家出家摩尼婁

陀即白釋王婆提唎迦作如是言善哉善哉婆提唎迦任汝意作我待汝至七日夜

尔時世尊住在阿奴彌迦耶聚落其王於彼七日七夜營辦家事所謂瓔珞以自嚴身至於園內受五慾樂喻如有人欲至他家赴大賓會沐髮洗梳瓔珞衣服莊校其身然後始

集五十八

十一

往至他家內其彼釋王婆提唎迦欲至園中遨遊戲樂亦復如是

尔時復有一釋童子名跋涪婆娑補言又一釋童名宮毗羅又一童子名難提迦復有釋童名曰阿難有釋童名提婆達多亦如前者莊嚴其身皆悉如上彼諸童子相共著諸衣服瓔珞復將一好剃除髮師嚴四兵已出迦毗羅婆蘇都城詣向阿奴彌迦耶聚落於時釋王婆提唎迦有物價直三百兩金一百兩金以為衣直一百兩金為瓔珞直一百兩金嚴鞍馬直其彼童子摩尼婁陀亦復如是諸釋童子跋涪婆宮毗羅難提迦阿難陀提婆達多有如此等各各亦有寶物價直三百兩金乃至充用嚴鞍馬直彼諸童子寶物價直合有二千一百兩金

尔時彼輩諸釋童子出迦毗羅婆蘇都城各各下馬解身瓔珞皆捉與彼剃除髮師而口告言此諸瓔珞皆以與汝為資生本汝當受

用以爲活命生業之基更莫餘求付瓔珞已  
詣向阿奴彌迦聚落

時剃髮師作如是念是諸釋種威猛熾盛謂  
言是我將諸童子逃走東西以是因緣當恐  
彼來逼切於我彼諸童子既吐此物我云何  
食我今不得受此諸寶彼既如是豪富熾盛

有大威勢猶捨無量資生財寶王位之事捨  
家出家況我今者何故不從彼剃髮師作是  
思已將彼瓔珞財寶之物懸著樹枝作如是  
念若有見者任取此物終不爲盜私自念已  
詣向諸釋童子之所而彼諸釋童子遙見剃  
髮師來而告之言汝今何故不歸家也時剃

髮師報諸釋童作如是言諸聖子輩我今私  
自作如此念諸釋強盛有大威德有大力勢  
謂言我將諸釋童子東西逃走以是因緣當  
恐逼切我之身命汝之童子既吐此物我今  
云何方欲食之如我今者不受此物何以故  
諸釋強盛有大力勢猶故出家況我今者而

集五十八

十二

不出家以此因緣我不歸去

尔時釋種諸童子等聞彼語已而語之言汝  
今使作如是思惟作是念已而不還家所以  
者何如汝所言我諸釋種威嚴熾盛必有此  
語將我童子逃走不疑既有此語彼定應來  
逼汝身命

尔時諸釋童子等輩共剃髮師詣向佛所到  
佛所已頂禮佛足却坐一面而作是言世尊  
今者願放我等捨家出家及受具戒復白佛  
言世尊欲與我等出家先當度此剃除髮師  
於前出家何以故此剃髮師長夜勤苦供承  
我等不曾有失是故於先與彼出家及受具  
戒彼出家已於後方與我等出家及受具戒  
故今我等先當禮此剃除髮師起動迎逆合  
掌恭敬示現尊重所以者何我等諸釋憍慢  
貢高今因此人令我諸釋迴意捨除憍慢之心  
尔時世尊即先度彼剃除髮師及受具戒然  
後次與婆提利迦釋王出家受具足戒自餘

各各次第出家及受具戒於時阿難提婆達多二人猶故不得出家從世尊所迴還至於雪山之下時彼山下有一長老姓跋耆吒名曰僧伽其人修行已住三果成就四禪恒常依彼雪山而住

尔時跋耆吒僧伽見阿難等二人來至逆

十三

慰之言諸釋童子何因來此時彼二人而報之言我等今者樂欲出家故來於此善哉聖者願度我等令得出家

尔時跋耆吒僧伽不曾觀察提婆達多童子之行不練其智即令二人捨家出家及受具戒長老阿難出家未久在於空閑坐禪思

惟遂作是念若優波陀今必許我至佛所者我今亦須自見世尊時彼阿難作是念已於晨朝時從房而出往詣向彼跋耆吒僧伽之所頂禮其足却住一面住一面已而白長老跋耆吒作如是言婆檀多優波陀我今意欲往見於佛聽許以不

尔時跋耆吒僧伽報彼阿難作是言曰阿難汝今若知時者往向佛邊到佛邊已汝當為我頂禮佛足為我通傳問訊世尊少病少惱身安以不起居輕利行來化導不損德也身體氣力勝常以不

尔時阿難聞優波陀作是語已而白之言如優波陀不敢違教遂即頂禮跋耆吒僧伽脚足圍遶三匝辭別而去

佛本行集經卷第五十八

波利沙此云錢道徒嗚子臚丑趨音  
飲飼二字音謝下許譴約反滑上音稽音趨音  
躡下羊媛下冶擣下蒲擗下力擗下力人推  
梁上他胃下大園下音擘下音人推  
亦下天操上刀斫下音鑽上音穿上音劈上音裂上音  
射下音准下音挽下音彊下音迅上音疾上音隳上音隳上音

慧上開掬音吧音漑音灌上古受反一鋤治上  
 初反下收川下魚料理上即倉窖下音拈塵  
 音持倉忙下音跋涪又扶由反哪瑟上音耶  
 無上音倉忙下音跋涪又父侯反哪瑟下音耶

佛本行集經卷第五十九

藉九

隋天竺三藏法師闍那崛多譯

婆提唎迦等因緣品下

爾時長老提婆達多見其阿難往向佛所而告之言長老阿難欲何處去

爾時阿難而報之曰我於今者欲往見佛徐洗

時長老提婆達多報阿難言阿難汝今若必

然者少時相待我亦欲往諮優波陀共汝相

隨俱往佛處

尔時提婆達多即至跋哪瑟吒僧伽之所頂

禮其足却住一面而白之言我今意欲往見

於佛唯願尊者慈愍聽許

爾時長老跋哪瑟吒僧伽報彼提婆達多作如是言汝若知時往至佛所為我通傳頂禮佛足問訊世尊少病少惱身安已不起居輕利行來化導不損德也身體氣力勝常已不提婆達多報彼跋哪瑟吒僧伽作如是言如尊者教不敢違背遂即頂禮圍遶三匝辭退而去

而去

尔時阿難與彼長老提婆達多二人相隨發雪山下往向佛所到佛所已頭面禮足却住一面

尔時長老提婆達多白佛言世尊我昔求請如來出家如來而不與我出家如來今日可不見我得出家耳

尔時佛告提婆達多作如是言提婆達多汝為何事而出家也願汝得已莫有背也

時諸比丘俱白佛言希有世尊世尊往昔恒常教彼提婆達多為利益事提婆達多今反捉佛以為怨難作是語已佛告諸比丘作如